

摘藻堂四庫全書薈要

集部

欽定四庫全書薈要卷一萬七千九百九

集部

御定全唐詩卷五百四

鄭巢

鄭巢與姚合同時詩一卷

泊靈溪館

孤吟疎雨絕

一作外

荒館亂峰前曉鷺棲危石秋萍滿敗

船溜從華頂落樹與赤城連已有求閑意相期在暮年

瀑布寺貞上人院

林疎多暮蟬師去宿山煙古壁燈熏畫秋琴雨潤弦竹
間窺遠鶴巖上取寒泉西嶽沙房在歸期更幾年

寄貞法師

巡禮知難盡幽人見亦稀幾年潭上過何待雪中歸遠
瀑穿經室寒螢發定夜無因尋道者獨坐對松扉

送靈溪李侍郎

貂裘離闕下初佐漢元勲河偃流澌疊沙晴遠樹分牛
羊下暮靄鼓角調寒雲中夕蕭關宿邊聲不可聞

送姚郎中罷郡遊越

逍遙方罷郡高興接東甌
幾處行杉逕何時宿石樓
湘聲穿古竇華影在空舟
惆悵雲門路無因得從遊

送魏校書赴夏口從事

西風吹遠蟬驛路在雲邊
獨夢諸山外高談大旆前
夜燈分楚塞秋角滿湘船
郡邑多巖竇何方便學仙

送衡州薛從事

吟去望雙旌滄洲晚氣清
遙分高岳色亂出遠蟬聲
楚

霽雲連寺湘寒浪浸城孤猿不可聽一聽白髭生

送邊使

關河度幾重邊色上離容
灞水方為別沙場又入冬
曙鵬迴大旆夕雪沒前峰
漢使多長策須令遠國從

送人赴舉

篇章動玉京墜葉滿前程
舊國與僧別秋江罷釣行
馬過隋代寺檣出楚山城
應近嵩陽宿潛聞瀑布聲

送袁肇歸山陰

論文意有違寒雨灑行衣南渡久誰語後吟今獨歸河
帆因樹落沙鳥背潮飛若值雲門侶多因宿翠微

送李式

瀟湘路杳然清興起秋前去寺多隨磬看山半在船綠
雲天外鶴紅樹雨中蟬莫使游華頂逍遙更過年

送韋弁

挂席曙鐘初家山半在吳艣聲過遠寺江色潤秋蕪陂
鶴巢城木邊鴻宿岸蘆知君當永夜獨釣五湖隅

送人南游

南京路悄然，欹石漱流泉。
遠寺寒雲外，揚帆暑雨前。
鴈行迴曉岫，蜃色上湖田。
更想清吟處，多同隱者眠。

送省空上人歸南嶽

又歸衡嶽寺，舊院樹冥冥。
坐石縫寒衲，尋龕補壞經。
嶠雲籠曙磬，潭草落秋萍。
誰伴高牕宿，禪衣挂桂馨。

送象上人還山中

竹錫與袈裟，靈山笑暗霞。
泉痕生淨蘚，燒力落寒花。
高

戶閒聽雪空窗靜
擣茶終期宿華頂
須會說三巴

送僧歸富春

憶過僧禪處
遙山抱竹門
古房闌蘚色
秋徑掃潮痕
石淨聞泉落
沙寒見鶴翻
終當從此望
更與道人言

送琇上人

古殿焚香外
清羸坐石稜
茶煙開瓦雪
鶴跡上潭冰
孤磬侵雲動
靈山隔水登
白雲歸意遠
舊寺在廬陵

哭虛海上人

一化西風外禪流稍稍分買碑行暮雨斲石葬寒雲靜
戶關松色荒齋聚鳥羣朗吟聲不倦高傳有遺文

和姚郎中題凝公院

後房寒竹連白晝坐冥然片衲何山至空堂幾夜禪葉
侵經上字冰結硯中泉雪夕誰同話懸燈古像前

贈丘先生

雲泉心不爽垂日坐柴關硯取簷前雨

水一作

圖開異國

山原僧招過宿沙鳥伴長閑地與中峰近殘陽獨不還

贈蠻僧

南海何年過中林一磬微病逢秋雨發心逐暮潮歸久
卧前山寺猶逢故國衣近來慵步履石蘚滿柴扉

秋思

寒蛩鳴不定郭外水雲幽南浦鴈來日北窗人卧秋病
身多在遠生計少於愁薄暮西風急清砧響未休

楚城秋夕

故苑多愁夕西風木葉黃寒江浸霧月曉角滿城霜弟

姪來書少闕河去路長幾時停桂楫故國隔瀟湘

秋日陪姚郎中登郡中南亭

雲水生寒色高亭發遠心鴈來疎角韻槐落減秋陰隔
石嘗茶坐當山抱瑟吟誰知瀟灑意不似有朝簪

宿天竺寺

暮過潭上寺獨宿白雲間鐘磬遙連樹星河半隔山石
中泉暗落松外戶初闕却憶終南裏前秋此夕還

陳氏園林

當門三四峰高興幾人同尋鶴新泉外留僧古木中蟬
鳴槐葉雨魚散芰荷風多喜陪幽賞清吟繞石叢

題崔中丞北齋

湖近草侵庭秋來道興生寒潮添井味遠漏帶松聲放
卷聽泉坐尋僧踏雪行何年各無事高論宿青城

題崔行先石室別墅

山空水繞籬幾日此棲遲採菊頻秋醉留僧擬夜碁桂
陰生野菌石縫結寒澌更喜連幽洞唯君與我知

題靈隱寺皖公院

山寒葉滿衣孤鶴偶清羸已在雲房老休為內殿期嵐
昏聲磬早菓熟喚猿遲未得終高論明朝更別離

御定全唐詩卷五百四

欽定四庫全書薈要卷一萬七千九百十

集部

御定全唐詩卷五百五

呂羣

呂羣元和進士詩二首

題寺壁二首

路行三蜀盡身及一陽生
賴有殘燈火相依坐到明
社後辭巢燕霜前別蒂蓬
願為蝴蝶夢飛去覓關中

崔涯

崔涯吳楚間人與張祜齊名詩八首

黃蜀葵

野欄秋景晚疎散兩三枝嫩碧淺輕態幽香閒澹姿露
傾金盞小風引道冠歌獨立悄無語清愁人詎一作知

詠春風

動地經天物不傷高情逸韻住何方扶持燕雀連天去
斷送楊花盡日狂遶桂月明過萬戶弄帆晴晚渡三湘
孤雲雖是無心物借便吹教到帝鄉

竹

領得溪風不放迴，傍窗緣砌遍庭栽。
須招野客為鄰住，看引山禽入郭來。
幽院獨驚秋氣早，小門深向綠陰開。
誰憐翠色兼寒影，靜落茶甌與酒杯。

俠士詩

太行嶺上一尺雪，崔涯袖中三尺鐵。
一朝若遇有心人，出門便與妻兒別。

別妻

隴上泉流隴下分
斷腸鳴咽不堪聞
嫦娥一入月中去
巫峽千秋空白雲

雜嘲二首

二年不到宋家東
阿母深居僻巷中
含淚向人羞不語
琵琶弦斷倚屏風

日暮迎來香閣中
百年心事一宵同
寒雞鼓翼紗窗外
已覺恩情逐曉風

悼妓

赤板橋西小竹籬
槿花還似去年時
淡黃衫子渾無色
腸斷丁香畫雀兒

郭良驥

郭良驥元和後詩人詩二首

自蘇州至望亭驛有作

一作李
嘉祐詩

南浦菰蒲遶白蘋
東吳黎庶逐黃巾
野棠自發空流水
江燕初歸不見人
遠岫依依如送客
平田渺渺獨傷春
那堪迴首長洲苑
烽火年年報虜塵

鄴中行

年去年來秋更春
魏家園廟已成塵
只今惟有西陵在
無復當時歌舞人

王叡

王叡元和後詩人
自號炙轂子集五卷
今存詩九首

公無渡河

濁波洋洋兮凝曉霧
公無渡河兮公竟渡
風號水激

一作

湑

兮呼不聞提壺看入
兮中流去浪擺衣裳
兮隨步沒

沈屍深入兮蛟螭窟蛟螭盡醉兮君血乾推出黃沙兮
泛君骨當時君死妾何適遂就波濤合魂魄願持精衛
銜石心窮取河源塞泉脈

松

寒松聳拔倚蒼岑綠葉扶疎自結陰丁固夢時還有意
秦王封日豈無心常將正節栖孤鶴不遣高枝宿衆禽
好是特凋羣木後護霜凌雪翠踰深

竹

庭竹森疎玉質寒色包葱碧盡琅玕翠筠不樂湘娥淚
斑籜堪裁漢主冠成韻含風已蕭瑟媚漣凝淥更檀藥
此君引鳳為龍日聳節稍雲直上看

解昭君怨

莫怨工人醜畫身莫嫌明主遣和親當時若不嫁胡虜
祇是宮中一舞人

祠漁山神女歌二首

蓮草頭花柳葉裙蒲葵樹下舞蠻雲引領望江遙滴酒

白蘋風起水生文

棖棖山響答琵琶酒濕青莎肉飼鴉樹葉無聲神去後
紙錢灰出木綿花

牡丹

以下二首一作王穀詩

牡丹妖豔亂人心一國如狂不惜金曷若東園桃與李
果成無語自成陰

秋

蟬噪古槐疎葉下樹銜斜日映孤城欲知潘鬢愁多少

一夜新添白數莖

燕

海燕雙飛意若何
曲梁嘔噉語聲多
茅檐不必嫌卑陋
猶恐吳宮熱爾窠

焦郁

焦郁元和間人詩三首

白雲向空盡

一作周成詩

白雲昇

一作生

遠岫搖曳入晴空
乘化隨舒卷無心任始

終欲銷仍帶日將斷更因風勢薄飛難定天高色易窮
影收元氣表光滅太虛中儻若從龍去還施濟物功

春雪

一作雲

二首

散漫天涯色乘春四望平不分殘照影何處斷鴻聲
繞先經塞霏微近過城因風低未歛帶雨重還輕
千呂知時泰如膏候歲成小儒同品物無以荅皇明

春雪空濛簾外斜霏微半入野人家長天遠樹山山白
不辨梅花與柳花

崔郊

崔郊元和間秀才詩一首

贈去婢

雲溪友議云郊寓居漢上其姑有婢端麗郊有阮咸之感姑鬻之連帥于公頗

郊思慕無已其婢因寒食偶出值郊郊贈詩云或寫之于座公覩詩令召崔生及見郊握手曰蕭郎是路人是公作耶何不早相示也遂命婢同歸

公子王孫逐後塵
綠珠垂淚滴羅巾
侯門一入深如海
從此蕭郎是路人

劉魯風

劉魯風九江刺史張又新客也詩一首

江西投謁所知為典客所阻因賦

萬卷書生劉魯風煙波萬里謁文翁無錢乞與韓知客

名紙毛生不肯一作通

為

柳泌

柳泌憲宗朝方士為穆宗所誅詩二首

玉清行

遙遙寒冬時蕭蕭躡太無仰望紫宮

一作珠

殿橫天臨不

虛下看白日流上造真皇居西牖日門開南衢星宿疎
王母來瑤池慶雲擁瓊輦羗我丹鳳冠搖曳紫霞裾照
徹聖姿嚴飄飄神步徐仙郎執玉節侍女捧金書靈香
散彩煙北闕路駟龍馬行無跡歌鐘聲沸天馭風升
寶座鬱景晏華筵妙奏三春曲高羅萬古仙七珍飛滿
座九液酌如泉靈佩垂軒下旗幡列帳前獅麟威赫赫
鸞鳳影翩翩顧盼乃須臾已是數千年

瓊臺

崖壁盤空天路回
白雲行盡見瓊臺
洞門黯黯陰雲閉
金闌矐矐日殿開

何希堯

何希堯字唐臣分水人詩四首

採蓮曲

錦蓮浮處水粼粼
風外香生襪底塵
荷葉荷裙相映色
聞歌不見採蓮人

一枝花

幾樹晴葩映水開
亂紅狼籍點蒼苔
東風留得殘枝在
為惜餘芳獨看來

柳枝詞

大堤楊柳雨沈沈
萬縷千條惹恨深
飛絮滿天人去遠
東風無力繫春心

海棠

著雨胭脂點點消
半開時節最妖嬈
誰家更有黃金屋
深鎖東風貯阿嬌

朱冲和

朱冲和錢塘酒徒與張祐同時詩一首

遺臨平監吏

三千里外布干戈果得鯨鯢入網羅
今日寶刀無殺氣只緣君處受恩多

張光朝

張光朝元和時人詩二首

荻塘西莊贈房元垂

門在荻塘西塘高何聯聯往昔分地利遠近無閒田水
國信汙下霖霖即成川苗稼盡湮沒茲鄉獨豐年家肥
待親懿人樂思管弦日晏始能起盥漱看厨煙醞酒寒
正熟養魚長食鮮黃昏鐘未鳴偃息早已眠何意久城
市寂寥丘中緣俛仰在顏色區區人事間憶昔炎漢時
乃知綺季賢靜默不能仕養老終南山

天門街西觀榮王聘妃

榮王憲
宗幼子

仙媛來朱邸名王出紫微三周初展義百兩遂言歸鄭

國通梁苑天津接帝畿橋成烏鵲助蓋轉鳳凰飛霜仗
迎秋色星缸滿夜輝從茲磐石固應為得賢妃

梁鉉

梁鉉元和時人詩一首

天門街西觀榮王聘妃

帝子乘龍夜三星照戶前兩行宮火出十里道鋪筵羅
綺明中識簫韶暗裏傳燈攢九華扇帳撒五銖錢交頸
文鴛合和鳴彩鳳連欲知來日美雙拜紫微天

御定全唐詩卷五百五

謹案卷五百五第八頁前行採蓮曲刊本採訛
操據別本改





總校官庶吉士臣張能照

校對官庶吉士臣許兆椿

謄錄監生臣王文明

欽定四庫全書薈要

集部

御定全唐詩卷五百

六至
九

詳校官原任事臣李斯咏

欽定四庫全書薈要卷一萬七千九百十一

集部

御定全唐詩卷五百六

章孝標

章孝標桐廬人登元和十四年進士第除祕書省正字
和中試大理評事詩一卷

上浙東元相

婺女星邊喜氣頻越王臺上坐詩人雪晴山水勾留客
風暖旌旗計會春黎庶已同猗頓富煙花却為相公貧

何言禹跡無人繼萬頃湖田又斬新

贈茅山高拾遺蔓

人皆貪祿利白首更營營若見無為理兼忘不朽名幽禽窺飯下好藥入籬生夢覺幽泉滴應疑禁漏聲

次韻和光祿錢卿二首

大隱巖城內閒門向水開扇風知暑退樹影覺秋來望遠雲生海行稀砌長苔廢興今古事何必歎池灰

閒論憂王室愁眉仗酒開方嗟三覆役又喜四愁來晨

起螢穿竹晡殮鳥下苔同期陽月至靈室祝葭灰

贈廬山錢卿

象魏抽簪早匡廬築室牢宦情歸去薄天爵隱來高篋
有新徵詔囊餘舊緼袍何如捨麋鹿明主仰風騷

山中送進士劉蟾赴舉

去住跡雖異愛憎情不同因君向帝里使我厭山中故
友多朝客新文盡國風藝精心更苦何患不成功

送進士陳曉往睦州謁馮郎中

孤帆幾日程投刺水邊城倚櫂逢春老登筵見月生飲
酣杯有浪棋散漏無聲太守憐才者從容禮不輕

豐城劒池即事

神物不復見小池空在茲因嫌衝斗夜未是偃戈時岸
古魚藏穴蒲凋翠立危吾皇別有劒何必鑄金為

詠弓

較量武藝論勲庸曾發將軍箭落鴻握內從誇彎似月
眼前還怕撇來風只知擊起穿雕鏃不解容和射鵠功

得病自從盃裏後至今形狀怕相逢

送無相禪師入關

九衢車馬塵不染了空人
整舍中峰雪應看內殿春
齋心無外事定力見前身
聖主方崇教深宜謁紫宸

贈匡山道者

嘗聞一粒功足以反衰容
方寸如不達此生安可逢
寄書時態盡憶語道情濃
爭得携巾屨同歸鳥外峯

道者與金丹開合已失
因為二首再有投擲

木鑽鑽盤石辛勤四十年一朝纔見物五色互呈妍七
魄憎陽盛三彭惡命延被他迷失却歎息只潜然
陰陽曾作炭造化亦分功減自青囊裏收安玉合中凡
材難度世神物自歸空惆悵流年速看成白首翁

思越州山水寄朱慶餘

窗戶潮頭雪雲霞鏡裏天島桐秋送雨江艇暮搖煙藕
折蓮芽脆茶挑茗眼鮮還將歐冶劍更淬若耶泉

蜀中上王尚書

梓桐花幕碧雲浮
天許文星寄上頭
武略劒峰環相府
詩情錦浪浴仙洲
丁香風裏飛殘草
叩竹煙中動酒鉤
自古名高閒不得
肯容王粲賦登樓

贈陸望浙西進詩除官

帝城雲物得陽春
水國煙花失主人
昨日天風吹樂府
六宮絃管一時新

古行宮

瓦煙疎冷古行宮
寂寞朱門反一作暗
鑊空殘粉水銀流

砌下墮環秋月落泥中鶯傳舊語嬌春日花學嚴妝妬
曉風天子時清不巡幸祇應鸞鳳一作鳥集梧桐

題上皇觀

煙霞星

一作五雲深

蓋七星壇想像先朝駐禁鑾輦路已平

栽藥地皇風猶在步虛寒樓臺瑞氣晴蕭索杉檜龍身
老屈蟠翻感惠休并李郭劒門空處望長安

鷹

星眸未放瞥秋毫頻掣金鈴試雪毛會使老拳供口腹

莫辭親手啖腥臊穿雲自怪身如電煞免誰知吻勝刀
可惜忍飢寒日暮向人鵲

知咸切一作爪斷碧絲絲

方山寺松下泉

石脉綻寒光松根噴曉霜注瓶雲母滑漱齒茯苓香野
客偷煎茗山僧惜淨床三禪不要問孤月在中央

瀑布

秋河溢長空天灑萬丈布深雷隱雲壑孤電挂巖樹滄
溟曉噴寒碧落晴盪素非趨下流急勢使不得住

送張使君赴饒州

一作送饒州張蒙使君赴任

饒陽因富得州名，不獨農桑別有營。
日暖提筐依茗樹，天陰把酒一作把火入銀坑。
江寒魚動櫓旗影，山晚雲和鼓角聲。
太守能詩兼愛靜，西樓見月幾篇成。

和滕邁先輩傷馬

浮雲變化失龍兒，始憶嘶風噴沫時。
蹄想塵中翻碧玉，尾休煙裏掉青絲。
曾同客舍吞飢渴，久共名場踏嶮巇。
今日櫪前興一歎，不關行李乏金羈。

省試騏驎長鳴

有馬骨堪驚無人眼
蹙明力窮吳坂峻
嘶苦朔風生
逐懷良御蕭蕭顧樂鳴
瑤池期弄影天路擬飛聲
皎月誰知種浮雲莫問程
鹽車今願脫千里為君行

鯉魚

眼似真珠鱗似金
時時動浪出還沈
河中得上龍門去
不歎江湖歲月深

飢鷹詞

遙想平原兔正肥
千迴礪吻振毛衣
縱令啄解絲縈結
未得人呼不敢飛

歸燕詞辭工部侍郎

一作下第
後獻主司

舊壘危

一作泥

巢泥已落今年故

一作固

向社前歸連雲大

厦無棲處更望

一作繞
一作傍

誰家門戶飛

歸海上舊居

鄉路繞蒹葭
縈紆出海涯
人衣披

一作被

蜃氣馬

一作鳥

跡

印鹽花草沒題詩
石潮摧坐釣槎還
歸舊窗裏凝思向

餘

一作賞煙霞

答友人惠牙簪

牙簪不可忘來處
隔炎荒截得半環月
磨成四寸霜
曉辭梳齒膩
秋入髮根涼
好是紗巾下
纖纖錐出囊

日者

十指中央了五行
說人休咎見前生
我來本乞真消息
却怕呵錢卦欲成

送金可紀歸新羅

登唐科第語

一作唐音

望日初生憶故林
鮫室夜眠陰

火冷蜃樓朝泊曉
霞深風高一葉飛
魚背潮淨三山出
海心想把文章
合夷樂蟠桃花裏
醉人參

聞角

邊秋畫角怨金微

一作微

半夜對吹驚賊圍
塞雁遶空秋

不下胡雲著草凍
還飛關頭老馬嘶
看月磧裏疲兵淚
濕衣餘韻嫋空何
處盡戍天寥落曉
星稀

夢鄉

家住吳王舊苑東
屋頭山水勝屏風
尋常夢在秋江上
釣艇游揚藕葉中

織綾詞

去年蠶惡綾帛貴
官急無絲織紅淚
殘經脆緯不通梭
鵲鳳闌珊失頭尾
今年蠶好縹白絲
烏鮮花活人不知
瑤臺雪裏鶴張翅
禁苑風前梅折枝
不學隣家婦慵懶
蠟揩粉拭謾官眼

諸葛武侯廟

木牛零落陣圖殘
山姥燒錢古栢寒
七縱七擒何處在
茅花櫪葉蓋神壇

長安秋夜

一作田家

田家無五行水旱卜蛙聲
牛犢乘春放
兒童候暖耕池
塘煙未起桑柘雨初晴
歲晚香醪熟
村村自送迎

錢塘贈武翊黃

曾將心劒作戈矛
一戰名場造化愁
花錦文章開四面
天人科第上一作占
三頭鴛鴻待侶飛
清禁山水緣情住

外州時伴庾公看海月好吟詩斷望潮樓

風不鳴條

一作左
牢詩

旭日懸清景微風在綠條入松聲不發過柳影空搖長

養應潛變

一作
偏

扶疎每暗飄有林時杳杳無樹慙蕭蕭

慢逐清煙散輕和瑞氣饒豐年知有待歌詠美唐堯

貽美人

諸侯帳下慣新妝皆怯劉家薄媚娘寶髻巧梳金翡翠
羅裙宜著繡鴛鴦輕輕舞汗初沾袖細細歌聲欲逸梁

何事不歸巫峽去故來人世斷人腸

聞雲中唳鶴

久在青田唳天高忽暫聞翩翩縈碧落嘹唳入重雲出
谷鶯何待鳴岐鳳欲羣九臯寧足道此去透網緼

柘枝

柘枝初出鼓聲招花鈿羅衫聳細腰移步錦靴空綽約
迎風繡帽動飄飄亞身踏節鸞形轉背面羞人鳳影嬌
祇恐相公看未足便隨風雨上青霄

上太皇先生

顯氣貫精神蒼崖老姓名煙霞空送景水木苦無情
藥雲根斷眠花石面平折松開月色決水放秋聲
顏為忘憂嫩身緣絕粒輕圍棋看局勢對鏡戮妖精
過海量鯨力歸天算鶴程露凝鍾乳冷風定玉簫清
坐覺衣裳古行疑羽翼生應憐市朝客開眼鑱浮榮

破山水屏風

一作姚合詩

時人嫌古畫倚壁不曾收雨滴膠山斷風吹絹海秋殘

雲飛屋裏片水落床頭尚勝凡花鳥君能補綴休

覽楊校書文卷

跪伸霜素剖琅玕身墮瑤池魄暗寒紅錦晚開雲母殿
白珠秋寫水精盤情高鶴立崑崙峭思壯鯨跳渤海寬
誰有軒轅古銅片為持相並照妖看

送陳校書赴蔡州幕

天假縱橫入幕籌東南頓減一方憂行賁健筆辭天閣
坐見妖星落蔡州青草袍襟翻日脚黃金馬鐙照旄頭

此行領取從軍樂莫慮功名不拜侯

少年行

平明小獵出中軍異國名香滿袖薰
畫榼倒懸鸚鵡背花衫對舞鳳凰文
手擡白馬嘶春雪臂竦青骹入暮雲
落日胡姬樓上飲風吹簫管滿樓聞

蜀中贈廣上人

曾持麈尾引金根萬乘前頭草五言
疏講青龍歸禁苑歌抄白雪乞梨園
朝驚雲氣遮天閣暮踏猿聲入

一作

劒門今日西川無子美詩風又起浣花村

和顧校書新開

一作井穿

霜鍾破桐陰青絲試淺深月輪開地脉鏡面寫天心碧
甃花千尺香泉乳百尋欲知爭汲引聽取轆轤音

遊雲際寺

衫袖拂青冥推鞍上翠屏塵埃辭馬尾城闕入窗櫺雲
領浮名去鐘撞大夢醒茫茫山下事滿眼送流萍

贈劉寬夫昆季

一作贈劉侍郎兄
第三人同時及第

文聚

一作動

星辰衣彩霞問誰兄弟是劉家雁行雲摻

一作

接

參差翼瓊樹風開次第花天假聲名懸

一作喧

日月國

憑騷雅變浮華曾窮晉漢儒林

一作家一作流

傳龍虎雖多未

足誇

贈杭州嚴史

一作使

君

州青縣白淞河潰飽向蒼龍闕下聞鼓角自嚴寒海月
旌旗不動濕江雲風騷處處文章主井邑家家父母君
長恐抱轅留不住九天鴛鴦待成羣

題朱秀城南亭子

朱家亭子象懸匏階瑩青莎棟剪節癭挂眼開欺鳴鵲
花緣網結妬蝶蛸有時風月輸三虎無壁琴書屬四郊
土木欲知精潔處社天歸燕怯安巢

上西川王尚書

人人入蜀謁文翁妍醜終須露鏡中詩景荒涼難道合
客情疎密分當同城南歌吹琴臺月江上旌旗錦水風
下客低頭來又去暗堆冰炭在深衷

駱谷行

捫雲裏棧入青冥，
韞馬鈴騾傍日星。
仰踏劒稜梯萬仞，
下緣氷岫杳千尋。
山花織錦時聊看，
澗水彈琴不暇聽。
若比爭名求利處，
尋思此路却安寧。

初及第歸酬孟元翊見贈

六年衣破帝城塵，
一日天池水脫鱗。
未有片言驚後輩，
不無慙色見同人。
每登公讌思來日，
漸聽鄉音認本身。
何幸致詩相慰賀，
東歸花發杏桃春。

淮南李相公紳席上賦春雪

六出花飛處處飄粘窗著

一作拂

砌上寒條朱門到曉

一作

晚難盈尺盡是三軍喜氣消

及第後寄廣陵故人

一作寄淮南李相公紳

及第全勝十政

一作改

官金鞍鍍

一作湯渡

了出長安馬頭漸

入

一作向

揚州郭為報時人洗眼看

小松

爪葉鱗條龍不盤梳風幕翠一庭寒莫言只是人長短

須作浮雲向上看

宮詞

一作無題

明日鑾輿欲向東
守宮金翠帶愁紅
九門佳氣已西去
千里花開一夜風

題杭州樟亭驛

樟亭驛上題詩客
一半尋為山下塵
世事日隨流水去
紅花還似白頭人

劉侍中宅盤花紫薔薇

真宰偏饒麗景家當春盤出帶根霞從開一朵朝衣色
免踏塵埃看雜花

題東林寺寄江州李員外

山勢稜層入杳冥寺形高下趁山行象牙床坐蓮花佛
瑪瑙函盛貝葉經日映砌陰移寶閣風吹天樂動金鈴
門前更有清江水便是潯陽太守廳

玄都觀栽桃十韻

驅使鬼神功攢栽萬樹紅薰香丹鳳闕妝點紫瓊宮寶

帳重遮日妖金遍累空色然燒藥火影舞步虛風粉撲
青牛過枝驚白鶴冲拜星春錦上服食晚霞中棋局陰
長合簫聲祕不通艷陽迷俗客幽邃失壺公根柢終盤
石桑麻自轉蓬求師飽靈藥他日訪遼東

僧院小松

拋杉背栢冷僧簾鎖月梳風出殿簷還似天台新雨後
小峯雲外碧尖尖

春原早望

一忝鄉書薦長安未得回年光逐渭水春色上秦臺燕
掠平蕪去人衝細雨來東風生故里又過幾花開

西山廣福院

野寺孤峯上危樓聳翠微捲簾滄海近洗鉢白雲飛竹
影臨經案松花點衲衣日斜登望處湖畔一僧歸

遊地肺

市朝擾擾千古林壑冥冥四賢

謂楊郭
二許

黃鶴不歸丹竈

白雲自養芝田溪灘永夜流月羽翼清秋在天高跡無

人更躡碧峰寥落孤煙

八月

徙倚仙居遶翠樓分明宮漏靜
魚秋長安夜夜家家月
幾處笙歌幾處愁

題紫微山上方

見杭州府舊志

地勢連滄海山名號紫微
景閒僧坐久路僻客來稀
峽影雲相照河流石自圍
塵喧都不到安得此忘歸

御定全唐詩卷五百六

欽定四庫全書薈要卷一萬七千九百十二

集部

御定全唐詩卷五百七

蔣防

蔣防義興人官右拾遺元和中李紳薦為司封郎中知制誥進翰林學士李逢吉逐紳因出防為汀州刺史集一卷今存詩十二首

題杜賓客新豐里幽居

退跡依三逕辭榮繼二疏聖情容解印帝里許懸車已

去龍樓籍猶分御廩儲風泉輸耳目松竹助玄虛調護
心常在山林意一作思有餘應嗤紫芝客遠就白雲居

望禁苑祥光

嘉瑞生天色蔥蘢幾效祥樹搖三殿側日映九城傍仙
霧今同色卿雲未可章拱汾疑鼎氣臨渭比熒光豈並
春風舊俄同聖壽長微臣時一望短羽欲翱翔

冬至日祥風應候

一作穆
寂詩

節逢清景空氣占二儀中獨喜登高日先知應候風瑞

呈光舜化慶表盛堯聰況與承時叶還將入律同微微
萬井逼習習九門通遶殿爐烟起殷勤報歲功

春風扇微和

麗日催遲景和風扇早春暖浮丹鳳闕韶媚黑龍津澹
蕩迎仙仗霏微送畫輪綠搖官柳散紅待禁花新舞席
皆迴雪歌筵暗送塵幸當陽律候惟願及佳辰

日暖萬年枝

新陽歸上苑嘉樹獨含妍散漫添和氣曛曛卷曙煙流

輝宜聖日接影貴芳年自與恩光近那關煦嫗偏結根
誠得地表壽願符天誰道凌寒質從茲不暖然

秋月懸清輝

秋月沿霄漢亭亭委素輝山明桂花發池滿夜珠歸入
牖人偏攬臨枝鵲正飛影連平野淨輪度曉雲微晶晃
浮輕露裊回映薄帷此時千里道延望獨依依

八風從律

製律窺元化因聲感八風還從萬籟起更與五音同習

習蘆灰上泠泠玉管中氣隨時物好響徹霽天空自得
陰陽順能令惠澤通願吹寒谷裏從此達前蒙

藩臣戀魏闕

剖竹隨皇命分憂鎮大藩恩波懷魏闕獻納望天閭政
奉南風順心依北極尊夢魂通玉陛動息寄朱軒直以
蒸黎念思陳政化源如何子牟意今古道斯存

秋稼如雲

肆目如雲處三田大有秋蔥龍初蔽野散漫正盈疇稍

混從龍勢寧同觸石幽紫芒分晷晷青頰澹油油始愜
倉箱望終無滅裂憂西成知不遠雨露復何酬

玉卮無當

美玉常為器茲焉變漏卮酒漿悲莫挹樽俎念空施符
彩功難補盈虛數已虧豈惟孤玩好抑亦類瑕疵清越
音雖在操持意漸隳賦形期大匠良璞勿同斯

至人無夢

已蹟希微理知將靜默鄰坐忘寧有夢跡滅示凝神化

蝶誠知

一作知成

幻徵蘭匪契真抱玄雖解帶守一自離塵

寥朗壺中曉虛明洞裏春
翛然碧霞客那比漆園人

玄都樓桃

舊傳天上千年熟今日人間五日香
紅軟滿枝須作意莫教方朔施偷將

李虞

李虞紳之族子隱華陽後為拾遺詩一首

題李賓客舊居

逢時不得致升平豈是明君忘姓名
眼暗髮枯緣世事
今來無淚哭先生

裴潏

裴潏聞喜人元和初以蔭仕累擢起居舍人開成中終
兵部侍郎詩十五首

前相國贊皇公早葺平泉山居暫還憩旋起赴
詔命作鎮浙右輒抒懷賦四言詩十四首奉寄
動復有原進退有期用在得正明以知微夫惟哲人會

且有歸靜固勝熱安每慮危將憩於盤止亦先機
植愛在根鍾福有兆珠潛巨海玉蘊崑嶠披室生白照
夜成晝揮翰飛文入侍左右出納帝命弘茲在宥

歷難求試執憲成風四鎮咸乂三階以融捧日柱天造
膝納忠建儲固本樹屏息戎彼狐彼鼠室穴掃蹤

我力或屈我躬莫污三黜如飴三起唯懼再賓為寵一
麾為飫昔在治繁常思歸去今則合契行斯中慮

有鳳自南亦翮其羽好姱佳麗于伊之澍五彩含章九

苞合矩佩仁服義鳴中律呂我来思卷薄言遵渚

鑿龍中闕伊原古奔下有祕洞豁起石門竹澗水橫松
架雪屯岫環如壁巖虛若軒朝昏含景夏清冬溫

南溪迴舟西嶺望竦水遠如空山微似壘二室峰連四

山駢聳五女乍歌玉華獨踊雲翔日耀如戴如拱

飛泉挂空如決天潄萬仞懸注直貫潭心月正中央洞

見淺深羣山無影孤鶴時吟我嘯我歌或眺或臨

鳥之在巢風起林搖退翔城顛翠虬捫天雨止雪

雲一作

旋亦息于淵人皆知進我獨止焉人皆務明我獨晦焉
邈矣其山默矣其泉

寢丘之田土山之上孫既貽謀謝亦遐想儉則為福華
固難長寧若我心一泉一壤造適為足超然孤賞

其風自西言發帝庭飄彼黃素隨於山楹公拜稽首靡
敢受榮宸嚴再臨俾撫百城戀此莫處星言其征

公昔南邁我不及覩言旋舊觀莫獲安語今則不遑載
騫載舉離憂莫寫歡好曷叙愴矣東望泣涕如雨

山嵇之舊劉廬之恩舉世莫尚惟公是敦哀我蠢蠢念
我諄諄振此鍛翮扇之騰翻斯德未報祇誓子孫

迢迢秦塞南望吳門對酒不飲設琴不援何以代面寄

之濡翰何以寫懷詩以足言無密玉音以慰我魂

開成九年

九月相公以太子賓客分司東都九月十九日達洛下
安居於平泉別墅潁輒述公素尚賦四言詩兼述山泉
之美未及刻石其年十一月二十一日除浙西觀察使
寵兼八座亞相之重十二月四日發赴任開成二年潁
自兵部侍郎除河南尹乃於河南廳中自書于石立于
平泉之山居開成二年九月二十五日河南尹裴潁題

白牡丹

一作長安牡丹

長安豪貴惜春殘，爭賞先開紫牡丹。
別有玉杯承露冷，無人起就月中看。

劉三復

劉三復潤州句容人，以文章見知于李德裕。自浙西迄淮甸，常在賓幕。後遣詣闕求試，登第會昌時，歷刑部侍郎、弘文館學士，集十三卷，今存詩一首。

送黃明府煜赴岳州湘陰任

擬占名場第一科，龍門十上困風波。
三年護塞從戎遠，

萬里投荒失意多
花縣到時銅墨賁
葉舟行處水雲和
遙知布惠蘇民後
應向祠堂弔汨羅

韋瓘

韋瓘字茂弘京兆萬年人
登進士第累擢中書舍人
貶明州刺史會昌末累遷
楚州刺史終桂管觀察使
詩一首

留題桂州碧潯亭

半年領郡固無勞
一日為心素所操
輪奐未成繩墨在

規模已壯閎閎高理人雖切才常短薄官都緣命不遭
從此歸耕洛川上大千江路任風濤

崔郾

崔郾字廣畧邠之弟中進士補集賢校書郎累遷吏部
員外三升諫議大夫敬宗即位進中書舍人遷禮部侍
郎出為虢州觀察使歷鄂岳浙西觀察終檢校禮部尚
書詩一首

贈毛仙翁

存亡去住一壺中兄事安期弟葛洪甲子已過千歲鶴
儀容方稱十年童心靈暗合行人數藥力潛均造化功
終待此身無繫累武陵山下等黃公

御定全唐詩卷五百七

欽定四庫全書蒼要卷一萬七千九百十三

集部

御定全唐詩卷五百八

孔溫業

孔溫業冀州人長慶元年進士第大中後歷官中書舍人天平節度使詩一首

鳥散餘花落

美景春堪賞芳園白日斜共看飛好鳥復見落餘花來往驚翻電經過想散霞雨餘飄處處風送滿家家求友

聲初去離枝色可嗟從茲時節換誰為惜年華

趙存約

趙存約長慶進士太和中為興元節度判官兵亂被害
詩一首

鳥散餘花落

春曉游禽集幽庭幾樹花坐來驚艷色飛去墮晴霞翅
拂繁枝落風添舞影斜彩雲飄玉砌絳雪下仙家分散
音初靜凋零葉帶葩空階瞻翫久應共惜年華

竇洵直

竇洵直長慶進士詩一首

鳥散餘花落

晚樹春歸後花飛鳥下初
參差分羽翼零落滿空虛
風外清香轉林邊艷影疎
輕盈疑雪舞髣髴似霞舒
萬片情難極遷喬思有餘
微臣一何幸吟賞對寒居

陳標

陳標長慶二年登進士第終侍御史詩十二首

公無渡河

陰雲颯颯浪花愁半度驚湍半挂舟聲盡雲天君不住
命懸魚鼈妾同休黛娥芳臉垂珠淚羅襪香裾赴碧流
餘魄豈能銜木石獨將遺恨付塵篋

秦王卷衣

秦王宮闕霽春煙珠樹瓊枝近碧天御氣馨香蘇合啓
簾光浮動水精懸霏微羅縠隨芳袖宛轉鮫綃逐寶筵
從此咸陽一回首暮雲愁色已千年

健仔怨

掌上恩移玉帳空
香珠滿眼泣春風
飄零怨柳凋眉翠
狼籍愁桃墜臉紅
鳳輦祇應三殿北
鸞聲不向五湖中
笙歌處處迴天睽
獨自無情長信宮

飲馬長城窟

日日風吹虜騎塵
年年飲馬漢營人
千堆戰骨那知主
萬里枯沙不辨春
浴谷氣寒愁墜指
斷崖冰滑恐傷神
金鞍玉勒無顏色
淚滿征衣怨暴秦

江南行

水光春色滿江

一作湖

天蘋葉風吹荷葉錢香蟻翠旗臨

岸市艷娥紅袖渡江船曉驚白鷺聯翩雪浪撼青菱潋

灩煙不怕江洲芳草暮待將秋

一作春

興折湖蓮

長安秋思

一作白紵歌

吳女秋機織曙霜冰蠶吐絲

一作吞線

月盈筐

一作箱

金刀玉

指裁縫促水殿花樓弦管長舞袖慢移凝瑞雪歌塵微
動避雕梁唯愁陌上芳菲度狼籍風池荷葉黃

贈元和十三年登第進士

春官南院粉牆東
地色初分月色紅
文字一千重
馬擁
喜歡三十二人同
眼看魚變辭
凡水心逐鸚飛出
瑞風
莫怪雲泥從此別
總曾惆悵去年中

焦桐樹

江上烹魚採野樵
鸞枝摧折半曾燒
未經良匠材雖散
待得知音尾已焦
若使琢磨微白玉
便來風律軫青瑤
還能萬里傳山水
三峽泉聲豈寂寥

寄友人

杜甫在時貪入蜀
孟郊生處却歸秦
如今始會麻姑意
借問山川與後人

啄木謠

丁丁向晚急還稀
啄徧庭槐未肯歸
終日與君除蠹害
莫嫌無事不頻飛

僧院牡丹

琉璃地上開紅艷
碧落天頭散曉霞
應是向西無地種

不然爭肯重蓮花

蜀葵

眼前無奈蜀葵何
淺紫深紅數百窠
能共牡丹爭幾許
得人嫌一作輕處祇緣多

袁不約

袁不約字還朴
長慶三年進士第
李固言在成都辟為
幕官加檢校侍郎
詩一卷今存四首

離家

步步遠晨昏悽心出里

一作獨出

門見烏唯有淚看

一作問

雁

更傷魂宿酒寧辭

一作添愁

醉迴書諱苦言野人應怪笑不

解愛田

一作樂丘園

送人至嶺南

度嶺春風暖花多不識名瘴煙迷月色已路傍溪聲畏
藥將銀試防蛟避水行知君憐酒興莫殺醉猩猩

長安夜遊

鳳城連夜九門通帝女皇妃出漢宮千乘寶蓮珠箔捲

萬條銀燭碧紗籠
歌聲緩過青樓月
香靄潛來紫陌風
長樂曉鐘歸騎後
遺簪墮珥滿街中

病宮人

一作張祐詩

佳人卧病動經秋
簾幕縑繆不挂鉤
四體強扶藤夾膝
雙環慵整玉搔頭
花顏有幸君王問
藥餌無徵待詔愁
惆悵近來銷瘦盡
淚珠時傍枕函流

句

愁聲秋遶杵
寒色碧歸山

深秋

送將歡笑去
收得寂

寥迴客去

李餘

李餘蜀人工樂府登長慶三年進士第詩二首

臨邛怨

藕花衫子柳花裙
多著沈香慢火熏
惆悵妝成君不見
空教綠綺伴文君

寒食

玉輪江上雨絲絲
公子游春醉不知
剪渡歸來風正急

水濺鞍帕嫩鵝兒

汶江謂之
玉輪江

句

長安東門別立馬生白髮
霽後軒蓋繁南山瑞烟發

嘗憂車馬繁土薄聞水聲

並見張為
主客圖

白敏中

白敏中字用晦長慶中第進士擢累侍御史左司員外
郎武宗召入翰林為學士宣宗立以兵部侍郎同中書
門下平章事尋出為邠寧節度使懿宗復召拜司徒門

下侍郎還平章事咸通二年出為鳳翔節度使以太傅致仕詩二首

至日上公獻壽酒

候曉天門闕朝天萬國同瑞雲昇觀闕香氣映華宮日色臨仙籙龍顏對昊宮羽儀瞻百姓獻壽侍三公化被君王洽恩沾草木豐自欣朝玉座宴此詠皇風

賀收復秦原諸州詩

一詔皇城四海頌醜戎無數束身還戍樓吹笛人休戰

牧野嘶風馬自閒
河水九盤收數曲
天山千里鎖諸關
西邊北塞今無事
為報東南夷與蠻

句

南浦花臨水東樓月映風

鎮劍南經忠州尋樂
天遺跡作見紀事

李敬方

李敬方字中虔登長慶進士第大和中為歙州刺史詩
一卷今存八首

遺興

果窺丹竈鶴莫羨白頭翁日月仙壺外筋骸藥臼中雲
歸無定所鳥跡不留空何必勞方寸嶮崎問遠公

勸酒

不向花前醉花應解笑人只憂

一作因

連夜雨又過一年

春日日無窮事區區有限身若非杯酒裏何以寄天真

近無西耗

一作李宣遠詩

遠戎兵壓境遷客淚橫襟烽候驚春塞縲囚困越吟自
憐牛馬走未識犬羊心一月無消息西看日又沈

天台晴望

時左遷台州刺史
題一作喜晴

天

一作到

台十二旬一片雨中春林果黃梅

一作垂楊

盡山苗

半夏新陽烏晴

一作朝

展翅陰魄夜飛輪坐翼

一作喜

無

雲物分明見北辰

聞高侍御

一作郎

卒貶所

西京高院長直氣似吾徒走馬論邊備飛聲感廟謨官
移人未察身沒事多符寂寞他年後名編野史無

題黃山湯院

并序

敬方以頭風癢悶大中五年十二月因小恤假內
再往黃山浴湯題四百字

楚鎮惟黃岫靈泉浴聖源煎熬何處所爐炭孰司存沙
暖泉常拂霜籠水更溫不疏還自決雖撓未嘗渾地啓
巖為洞天開石作盆常留今日色不減故年痕陰歛潛
生海陽光暗燭坤定應鄰火宅非獨過焦原龍訝經冬
潤鶯疑滿谷暄善烹寒食茗能變早春園及物功何大
隨流道益尊潔齋齊物主療病奪醫門外祕千峰秀旁

通百漈奔禪家休問疾騷客罷招魂臥理黔川守分憂
漢主恩慙傷因有暇徒御誠無諠癢悶頭風切爬搔臂
力煩披榛通白道束馬置朱幡謝屐緣危磴戎裝逗遠
村慢遊登竹逕高步入山根崖巘差行竈蓬茅過小軒
禦寒增帳幕甃影盡璵璠不與華池語寧將浴室論洗
心過頃刻浸髮迨朝暾汗洽聊箕踞支羸暫虎蹲濯纓
閒更入漱齒渴仍吞氣燠勝重覩風和敵一尊適來還
蹭蹬復出又攀援形穢忻除垢神囂喜破昏明夷徵立

象既濟感文言已闕眠沙麕仍妨卧石猿香驅蒸霧起
煙霽濕雲屯破險更祠宇憑高易廟垣舊基絕仄足新
構忽行鵷勝地非無棟征途遽改轅貪程歸路遠折政
訟庭繁興往留年月詩成遺子孫已鐫東壁石名姓寄
無垠

太和公主還宮

二紀煙塵外淒涼轉戰歸胡笳悲蔡琰漢使泣明妃金
殿更戎幄青袂換毳衣登車隨伴仗謁廟入中闈湯沐

疏封在闕山故夢非笑看鴻北向休詠鵲南飛宮髻憐
新樣庭柯想舊園生還侍兒少熟識內家稀鳳去樓扃
夜鸞孤匣掩輝應憐禁園柳相見倍依依

汴河直進船

汴水通淮利最多生人為害亦相和東南四十三州地
取盡脂膏是此河

李回

李回字昭度本名躔擢長慶進士辟揚州掌書記遷監

察御史會昌中以刑部侍郎兼御史中丞俄進中書侍郎同中書門下平章事出為劍南西川節度以與李德裕善貶撫州長史詩三首

享太廟樂章

受天明命敷祐下土化時以儉衛文以武氛消夷夏俗臻往古億萬斯年形于律呂

天長路別朱大

慶餘

山路却寄

驛騎難隨伴尋山半憶君蒼崖殘月路猶數過溪雲

寄酬朱大後亭夜坐留別

十夜郡城宿苦吟身未閒
那堪西郭別雪路問青山

常

一作章

楚老

常楚老長慶進士官拾遺詩二首

祖龍行

黑雲兵氣射天裂壯士朝眠夢寃結
祖龍一夜死沙丘
胡亥空隨鮑魚轍腐肉偷生三千里
偽書先賜扶蘇死
墓接驪山土未乾瑞光已向芒碭起
陳勝城中鼓三下

秦家天地如崩瓦
龍蛇撩亂入咸陽
少帝空隨漢家馬

江上蚊子

飄搖挾翅亞紅腹
江邊夜起如雷哭
請問貪婪一點心
臭腐填腹幾多足
越女如花住江曲
嫦娥夜夜凝雙睞
怕君撩亂錦窗中
十軸

一作幅

輕綃圍夜玉

句

一從黃帝葬橋山
碧落千門鎖元氣

天上行詩
話總歸

李甘

李甘字和鼎長慶末進士擢第太和中官侍御史貶封
州司馬集一卷今存詩一首

九成宮

一作華清宮

中原無鹿海無波鳳輦鸞旗出幸多今日故宮歸寂寞
太平功業在山河

平曾

平曾穆宗時人唐以府元被絀者九人曾其一也長慶
初同賈島輩貶謂之舉場十惡曾後謁李固言於蜀幕

中皆名士曾輕忽無所畏遂獻雪山賦李覽命推出不
旬日再獻鯢魚賦曰此魚觸物而怒翻身上波為烏鳶
所獲奈魴鯉笑何李覽之遂不至深罪卒以恃才傲物
没于縣曹詩三首

謁李相不過

老夫三日門前立珠箔銀屏晝不開詩卷却拋書袋裏
正如閒看華山來

留別薛僕射

薛平僕射出鎮浙西主
禮稍薄曾留詩諷之

梯山航海幾崎嶇來謁金陵薛大夫毛髮豎時趨劍戟
衣冠儼處拜冰壺誠知兩軸非珠玉深愧三緇邱旅途
明日過江風景好不堪回首望勾吳

繫白馬詩上薛僕射

薛僕射聞曾出境追還縻
留數日又獻繫白馬詩薛

曰若不留絆行軒那得觀
其毛骨遂以殊禮相待

白馬披鬃練一團今朝被絆欲行難雪中放去空留跡
月下牽來只見鞍向北長鳴天外遠臨風斜控耳邊寒
自知毛骨還應異更請孫陽仔細看

景審

景審南陽人長慶中有善書名詩一首

題所書黃庭經後

泥金
正書

金粉為書重莫過黃庭舊許右軍多請看今日酬恩德
何似當年為愛鵝

句

暮鷗不噪禁城樹衙鼓未殘兵衛秋

見張為
主客圖

御定全唐詩卷五百八

欽定四庫全書薈要卷一萬七千九百十四

集部

御定全唐詩卷五百九

顧非熊

顧非熊況之子性滑稽好凌轢困舉場三十年穆宗長
慶中登進士第累佐使府大中間為盱眙尉慕父風棄
官隱茅山詩一卷

秋日陝州道中作

孤客秋風裏驅車入陝西關河午時路村落一聲雞樹

勢標秦遠天形到岳低誰知我名姓來往自栖栖

一作淒淒

經杭州

郡郭遶江濱

一作濱

人家近白雲晚濤臨檻看夜艣隔城

聞浦轉山初盡虹斜雨未

一作半

分有誰知我意心緒逐

鷗羣

經河中

一望蒲城路關河氣象雄樓臺山色裏楊柳水聲中思

一本作離

起懷

一作赴

吳客行斜向磧鴻我來尋古跡唯

見舜祠一作遺風

送僧歸洞庭

江山萬萬重歸去指何峰未入連雲寺先齋越浪鐘

一作鳥

香迴棧柏

一作橘

秋蔭出菴松若救吳人病須降震

澤龍

題覺真上人院

長安車馬地此院閉松聲新罷九天講舊曾諸岳行能
詩因作偈好客豈關名約我中秋夜同來看月明

寄太白無能禪師

太白山中寺師居最上方獵人偷佛火櫟鼠戲禪牀
定久衣塵積行稀徑草長有誰來問法林杪過殘陽

舒州酬別侍御

一作上卿

故交他郡見下馬失愁容執手向殘日分襟在晚鐘
鄉心隨皖水客路過廬峰衆惜君材器何為滯所從

姚巖寺路懷友

一作桃巖懷賈島

路向姚巖寺多行洞壑間鶴聲連塢一作魚野靜溪色帶村

閒疎葉

一作葦
一作荻

秋前渚斜陽雨外山憐

一作羨

君不得見

詩思最相關

天河閣到啼猿閣即事

萬壑褒中路何層不架虛濕雲和棧起焦枿

一作樵徑

帶畚

餘巖狖牽垂果湍禽接迸

一作躍

魚每

一作相

逢維艇處塢

裏有人居

夏日會修行段將軍宅

愛君書院靜莎覆蘚堦濃連穗古藤暗領雛幽鳥重鐫

前迎遠客林杪見晴峰誰謂朱門內雲山滿座逢

送杭州姚員外

浙江江上郡楊柳到時春
塹起背城雁帆分向海人
嶠雲侵寺吐汀月隔樓新
靜理更何事還應詠白蘋

送樸處士歸新羅

少年離本國今去已成翁
客夢孤舟裏鄉山積水東
鰲沈崩巨岸龍鬪出遙空
學得中華語將歸誰與同

送馬戴入山

一本山上
有華字

古木亂重重何人識去蹤斜陽收萬壑圓月上三峰雲
裏泉縈石窗間鳥下松唯應採藥客時與此相逢

送喻鳬春歸江南

去年登第客今日及春歸鶯影一作引離秦馬蓮香入楚

衣里問爭慶賀親戚共光輝唯我門前浦苔應滿釣磯

送友人及第歸蘇州

見君先得意希我命還通不道才堪竝多緣塞共同鶴

鳴荒苑內一作野外魚躍夜一作入潮中若問家山路知一作叨

連震澤東

送皇甫司錄赴黔南幕

黔南從事客祿先

一本缺此字

來饒官受外臺屈家移一

舸遙夜猿聲不斷寒木葉微凋遠別因多感新郎倍寂

寥

一本缺末三字

寄九華山費拾遺

先生九華隱鳥道

一作篠逕

隔塵埃石室和雲住山田引燒

開久閒仙客降

一作至

高卧詔書來一入深林去人間更

不回

雁

一作
早雁

逐暖來南國迎寒背朔雲
下時波勢出起處陣形分
聲急奔前侶行低續後羣
何人寄書扎絕域可知聞

銅雀妓

鴉散陵樹曉筵開
總帳空嬋娟寵休妬
歌舞怨來同往
事與塵化新愁生
曲終迴軒葉正落
寂寞聽秋風

早秋雨夕

貧居常寂寞况復是秋天黃葉如霜後清風似水邊中
宵疑有雁當夕暫無蟬就枕終難寐殘燈滅又然

天津橋晚望

晴登洛橋望寒色古槐稀流水東不息翠華西未歸雲
收中岳近鐘出後宮微回首禁門路羣鴉度落一作暉

月夜登王屋仙壇

月臨峰頂壇氣爽覺天寬身去銀河近衣霑玉露寒雲
中日已赤山外夜初殘即此是仙境惟愁再上難

下第後晚坐

遠客滯都邑老驚時節催
海邊身夢覺枕上鼓聲來
起見銀河沒坐知閭闔開
何為此生內終夜泣塵埃

下第後送友人不及

失意經寒食情偏感別離
來逢人已去坐見柳空垂
細雨飛黃鳥新蒲長綠池
自傾相送酒終不展愁眉

與無可宿輝公院

夜僧同靜語秋寺近嚴城
世路雖多梗玄心各自明
寒

池清月彩危閣聽林聲儻許雙摩頂隨緣萬劫生

題平陸縣亭

孤亭臨峭岸別有遠泉來山與中條合河逢一曲迴夜
聲多鴈過晚色亂雲開却自求僮僕淹留莫謾催

題馬儒父石門山居

尋君石門隱山近漸無青鹿迹入柴戶樹身穿草亭雲
低收藥徑苔惹取泉瓶此地客難到夜琴誰共聽

題春明門外鎮國禪院

空門臨大道師坐此中禪過客自生敬焚香惟默然書
燈明象外古木覆簷前不得如馴鴿人間萬慮牽

夏夜漢渚歸舟即事

扁舟江瀨盡歸路海山青巨浸分圓象危檣入衆星雨
遙明電影蜃曉識樓形不是長遊客那知造化靈

酬均州鄭使君見送歸茅山

餞行詩意厚惜別獨筵重解纜城邊柳還舟海上峰飲
援當瀨見浴鳥帶槎逢吏隱應難逐為霖是蟄龍

成名後將歸茅山酬羣公見送

此名誰不得人賀至公難素

一作舊

業承家了離筵去國

歡暮天行鴈斷曉渡落潮寒舊隱茅峰下松根石上盤

酬陳標評事喜及第與段何共貽

至公平得意自喜不因媒榜入金門去

一本缺此字

名從王

案來歡情聽鳥語笑眼對花開若擬華筵賀當期醉百

杯

闕試後嘉會里聞蟬感懷呈主司

昔聞驚節換常抱異鄉愁
今聽當名遂方歡上國遊
吟纔依樹午風已報庭秋
併覺聲聲好懷恩忽淚流

贈友人

吾友昔同道唯予今獨行
青雲期未遂白髮鑷還生
舊隱連江色新春聞鳥聲
休明獨不遇何計可歸耕

落第後贈同居友人

有情天地內多感是詩人
見月長憐夜看花又惜春
愁為終日客閒過少年身
寂寞正相對笙歌滿四隣

冬日寄蔡先輩校書京

弱冠下茅嶺中年道不行舊交因貴絕新月對愁生旅
思風飄葉歸心鴈過城惟君知我苦何異鸞桐鳴

行經褒城寄興元姚從事

往歲客龜城同時聽鹿鳴君兼蓮幕貴我得桂枝榮棧
閣危初盡褒川路忽平心期一壺酒靜話別離情

下第後寄高山人

我家堂屋前仰視大茅巔潭靜鳥聲異地寒松色鮮人

眠甕牖月鹿飲竹門泉多愧隣高隱無成又一年

寄紫閣無名新羅頭陀僧

梭床已自藥野宿更何營大海誰同過空山虎共行身
心相外盡鬚髮定中生紫閣人來禮無名便是名

送信州盧員外兼寄薛員外

五馬弋陽行分憂出禁城粉闥移席近茜旆越疆行德
茂榮方漸仁深瑞必呈疲忙復何幸前政已殘聲

送于中丞入回鶻

風沙萬里行邊色看雙旌去展中華禮將安外國情朝
衣驚異俗牙帳見新正料得歸來路春深草未生

送李廓侍御赴劍南

鳥道見狼烟元戎正急賢圖書借朋友吟詠入戈鋌山
色城池近江聲鼓角連不應誇戰勝知在一作檄蠻篇

送友人歸漢陽

樽前別楚客雲水思縈回秦野春將盡商山花不開鷗
鷺帆乍起虹見雨初來自有歸期在蟬聲處處催

送造微上人歸淮南覲兄

到家方坐夏柳巷對兄禪
雨斷蕪城路虹分建鄴天
赴齋隨野鶴迎水上漁船
終擬歸何處三湘思渺然

賦得江邊柳送陳許郭員外

拂水復含烟行分古岸邊
春風正搖落客思共悠然
絮急頻縈水根靈復繫船
微陰覆離岸祇此醉昏眠

武宗挽歌詞二首

睿畧皇威遠英風帝業開
竹林方受位薤露忽興哀
靜

塞妖星落和戎貴主回龍髯不可附空見望仙臺

蒼生期漸泰皇道欲中興國用銷靈像農功復冗僧冕
旒辭北闕歌舞怨西陵惟有金莖石長宵對玉繩

會中賦得新年

萬古如昨日一年加一

一作北

晨暗生無限事潛老幾多

人歸路舊侶盡故鄉回鴈新那堪獨惆悵猶是白衣身

斜谷郵亭翫海棠花

忽識海棠花令人只嘆嗟艷繁惟共笑香近試堪誇駐

騎忘山險持盃任日斜何川是多處應遶羽人家

萬年厲員外宅殘菊

纔過重陽後人心已為殘近霜須苦惜帶蝶更宜看色
減頻經雨香消恐一作怨漸寒今朝陶令宅不醉却應難

題永福寺臨淮亭

亭即司馬復
明府所置

淮上前朝寺因公始建亭雖無山可望多有鶴堪聽引
客閒垂釣看僧靜灌瓶帶潮秋見月隔竹晚聞經水氣
侵衣冷蘋風入座馨路逢沙獺上船值海人停砧杵鳴

孤戍烏鳶下遠汀連波芳草濶極目暮天青創置嗟心
匠幽棲得地形常來勸農事賴此近郊坰

陳情上鄭主司

登第久無緣歸情思邈然藝慙公道日身賤太平年未
識笙歌樂虛逢歲月遷羈懷吟獨苦愁眼愧花妍求達
非榮已脩辭欲繼先秦城春十二吳苑路三千茅屋山
嵐入柴門海浪連遙心猶送鴈歸夢不離船時節思家
夜風霜一作作客天庭闈乖旦暮兄弟阻團圓朝乏新

知已邨荒舊業田受恩期望外效死誓生前願察為裘
意彷徨和角篇戀情今吐盡萬一異哀憐

長安清明言懷

明時帝里遇清明還逐遊人出禁城九陌芳菲鶯自囀
萬家車馬雨初晴客中下第逢今日愁裏看花厭此生
春色來年誰是主不堪憔悴一作惆悵更無成

出塞即事二首

塞山行盡到烏延萬頃沙堆見極邊河上月沉鴻鴈起

磧中風度犬羊膾席箕草斷城池外護柳花開帳幕前
此處遊人堪下淚更聞終日望狼烟

賀蘭山便是戎疆此去蕭蕭路幾荒無限城池非漢界
幾多人物在胡鄉諸侯持節望吾土男子生身負我唐
迴望風光成異域誰能獻計復河湟

送李相公昭義平復起彼宣慰員外副行

天井雖收寇未平所司促戰急王程曉馳雲騎穿花去
夜與星郎帶月行新詠盡題關外事故鄉因過洛陽城

時逢寒食遊人識
竟說從來有大名

送從叔尉澠池

同登科第皆清列
尚愛東畿一尉閒
雖有田園供海畔
且無宗黨在朝班
甘貧只為心知道
晚達多緣性好山
白首青衫猶未換
又騎羸馬出函關

哭韓將軍

將軍不復見儀形
笑語隨風入杳冥
戰馬舊騎一作驅行嘶
引堊歌姬新嫁哭
辭靈功勲客問求
為誌服玩僧收與

轉經寂寞一家春色裏
百花开落滿山庭

崔卿雙白鷺

朝客高清愛水禽
綠波雙鷺在園林
立當風裏絲搖急
步遶池邊字印深
刷羽競生堪盡勢
依泉各有取魚心
我鄉多傍門前見
坐覺煙波思不禁

子夜夏秋二曲

相持薄羅扇
綠樹聽鳴蜩
君筵呈妙舞
香汗濕鮫綃
銀床梧葉下
便覺漏聲長
露砌蛩吟切
那憐白苧涼

關山月

海上清光發邊管照轉悽深閨此宵夢帶月過遼西

採蓮詞

纖手折芙蓉花灑羅衫濕女伴喚回船前溪風浪急

秋月夜

旅鴈迎風度階翻月露華砧聲鳴夜永江上幾多家

登樓

登樓一南望淮樹楚山連見鴈無書寄歸吳定此年

閭門書感

鳬鷺踏波舞樹色接橫塘遠近
蘼蕪綠吳宮總夕陽

送內鄉張主簿赴任

松窗久是食霞客山縣新為主
印官混俗故來分利祿
不教長作異人看

瓜洲送朱萬言

渡頭風晚葉飛頻君去還吳我入秦
雙淚別家猶未斷
不堪仍送故鄉人

秋夜長安病後作

秋中帝里經旬雨晴後蟬聲更不聞
牢落閒庭新病起故鄉南去雁成羣

題王使君片石

勢似孤峯一片成坐來疑有白雲生
主人莫怪殷勤看遠客長懷舊隱情

暮春早起

柳梢暗露滴清晨簾下偏驚獨起人
鶗鴂數聲花漸落

園林是處總殘春

途次懷歸

隴頭禾偃乳烏飛
兀倚征鞍倍憶歸
正值江南新釀熟
可容閒却老萊衣

寄陸隱君

相思迢遞隔重城
鳥散堦前竹塢清
定擬秋涼過南嶼
長松石上聽泉聲

寄吳山淨上人


憶共蒲團話夜鐘
別來落葉闕行蹤
遙知黛色秋常翫
住向靈巖第幾峯

送徐五綸南行過吳

吳門東去路三千
到得閭門暫泊船
老父出迎應倒屣
貧居江上信誰傳



御定全唐詩卷五百九



總校官庶吉士臣張能照

校對官庶吉士臣許兆椿

謄錄監生臣王文明